

- * Subdetur pellis tua grandibus ergo flagellis.
 * Namque¹ flagellatus nosces² nocuisse reatus.
 * Sperabam fructum de te: iugem fero luctum.
 * Quid dicam vel agam? renovari sentio plagam. 130
 * Te male confundis viciorum mersus in undis,
 * Qui presumpsisti redditus³ consumere Christi.
 * Mortis dampna sitis contradicendo peritis;
 * Vite iussa sinis⁴, quia mentem vexat Herinis⁵.
 * Ut non restaures, quod prodigis, obstruis⁶ aures. 135
 * Non audis patres, quia pronus es, ut mala patres.
 * Corruis in mortem nocuam querendo cohortem⁷.
 * Torpes, ignoras, languens peccando laboras;
 * Ludis, non oras, egrediendo foras;
 * Florem defloras⁸ iuvenilem; te dehonoras. 140
 * Ridens non ploras, sine psalmis transigis horas.
 * Qui fugis ecclesiam matrem Christique sophiam,
 * Propter stulticiam perdis inique viam.
 * Desere duriciam! sanctam venerare Mariam!
 * Dilige iusticiam rem faciendo piam! 145

1) 'Namque vel forte' L.

2) 'noces' L.

3) 'redditus' L.

4) 'si uis' LP.

5) 'hermis' P.

6) 'obstruit' L.

7) 'choortem' L.

8) 'deforas' L.